

Igls tschains d'ava fon chitos agls cumegns

Cunsegli grond: Dumonda parlamentara

(pb) Ainten la sessiun d'otgover digl cunsegli grond à Leo Engler da Surava, sto a chella sessiun scu suppleant deputo digl circuit Belfort, fatg ena dumonda parlamentara. Els sa fò chitos an connex cun igls tschains d'ava e la situaziun finanziala digls cumegns. Gist da curt à la regenza raspundia. Glè da chintar tgi agl proxim avignier vigan igls cumegns da concessiun ed igls cantuns ad aveir sperditas digls tschains d'ava perveia dalla posiziun pac favorevla dalla forza hidraulica sen la fiera d'energeia. Chegl vala p. ex. er per igl cumegn Albula/Alvra tgi ò ena part considerabla dallas sias antradas cun igls tschains d'ava. *Leo Engler* fo chitos tgi la sperdita viga a tutgier ferm igl sies cumegn ed er oters aint igl tigeirtgesa da finanzas. Uscheia ò el formulo das suandontas dumondas alla regenza, sottacretgas da 56 ulterioris consignieders. Tranter chels er tots igls depudos dalla Regiun Alvra.

- Quant ota è la part digls tschains d'ava tar igls 12 cumegns pertutgias igl pi ferm?
- È la regenza er digl meini tgi ena scursaneida eventuala digls tschains d'ava viga per blers cumegns da concessiun conseguencias gravantas?
- È la regenza pronta, ansemens cun igls oters cantuns muntagnards, da sa metter ansemens cun igls cumegns da concessiun cun totta forza cunter ena scursaneida digl maximum digl tschains d'ava?
- È la regenza an cass er pronta per sieرار igls tschains d'ava, da proponer ena adattaziun dalla lescha digls dretgs d'ava?

Oters cumegns èn pertutgias pi ferm
Damais cleras dumondas da vice-deputo Engler all'executiva cantunala. Sen l'amprema dumonda à la regenza raspundia uscheia tgi tar igls 12 cumegns pertutgias igl pi ferm cun lour part digls tschains d'ava ve dallas antradas da taglia ins viga piglia la media digls onns 2013 e

2014 tar las taglias dallas persungas naturalas e giuridicas e la media digls onns 2014 e 2015 sen igls tschains d'ava. La glista digls 12 cumegns è la suandonata: Ferrera 634%, Rongellen 414%, Zirang-Reischen 409%, Buseno 333%, Sufers 285%, Avras 266%, Medel (Lucmagn) 253%, Andeer 213%, Casti-Vargistagn 190%, Donat 139%, Stussavgia 128% e Rossa 126%. Damais èn igls cumegns pertutgias igl pi ferm principalmaintg an Val Schons e Valragn. Cumegns dalla Regiun Alvra èn betg da-

vant sen chella glista, er igl cumegn Albula/Alvra betg.

Tar la sagonda dumonda conceda la regenza da mademamaintg esser an chito an vista a chel scenario e fò attent tgi i seian betg angal pertutgias igls cumegns, mabagn er igl cantun. E chegl vega er consequenzas sen l'angulivaziun da finanzas intercantunala. L'angulivaziun da finanzas cantunala peggia risguard sen talas sperditas digls tschains d'ava. Ins viga ad angulivar tendenzialmaintg las midadas e la cumpensaziun possa esser

anfignen 50%. Ed ena sperdita digls tschains d'ava viga er per consequenza ena angulivaziun dallas resuras. Igli cantun surpigless stgers 80% ed igls cumegns ferms da resuras 20% dall'angulivaziun. Igli sistem da solidaritat vess da funcziunar er cò. Pi debel tgi en cumegn è e pi ferm igl effect d'angulivaziun.

Igli cantun vot sa dustar

Alla dumonda da leir cunterfar ad ena reduciun digls tschains d'ava rasponda la regenza tgi ins seia gio sto ansemens cun

las regenzas digls seis cantuns muntnards e tiers chegl er cun igls cantuns Berna ed Argovia ed ins viga er agl avigineir a star ainten cun insistenza cunter ena reduciun.

Anvezza ena adattaziun dalla lescha digls dretgs d'ava vei la regenza betg scu opportun. «Chella gravezza suplementara fiss d'ena vart betg surpurtabla per igl tigeirtgesa digl cantun e da l'atra vart correspondess chegl er betg agls mechanissem dall'angulivaziun da finanzas digl cantun. Pinavant fiss chegl ena spustada da gravezzas finanzialas digls cumegns avar igl cantun», screiva la regenza.

La repartizion digls tschains d'ava mez agls cumegns e mez agl cantun duess restar. Er ord muitevs politics d'energeia.

Betg cuntaint ord vista digls cumegns

Engler scu interpellant ô managea tgi ins na saptga betg esser cuntaint cun la raspotta dalla regenza. Da cumpensar la sperdita digls tschains d'ava antras l'angulivaziun da finanzas saptga lavantar discussiuns tar chels cumegns tgi on da paer.

«La concessiun allas ovras electricas dattan igls cumegns ed els èn chels tgi vendan l'ava ed igls tschains d'ava totgian an amprema lengia ad els. Schi glè da piglier ancunter sperditas, alloura fiss igl cantun tgi vess da tschassar cun la sia part», è Engler dall'ideia. Dantant stetta igli cantun sen la sia posiziun da leir piglier la mesadad digls tschains d'ava e cò seia el betg ancletg. Igli cantun stetta pi bagn tgi igls cumegns. El viga ossa a piglier posiziun tar la rasposta e tarmetter alla sagonda tgi ò sottascrtsg, deputada *Gaby Thomann-Frank*, essend el betg dalla parteida la proxima sessiun. Ainten la proxima sessiun vign la tgossa tractada ed i detta pac dapple tgi dad esser ancletg cun la rasposta u berg. Forza possa la sia dumonda aglmanc dar en pér impuls ainten chella direcziun.



Igli cumegn cun la pi gronda part procentuala dallas antradas cun igls tschains d'ava è Farrera cun numnadamaintg 634%. PDS

Da scalgias da vaschela e l'istorgia digls skis

Museum local Vaz/Zorten: Vernissascha

(pb) Igl museum local a Vaz/Zorten mossa da taimp an taimp ainten las sias localitads exposiziuns laterales. Scu da curt ovras an mosaics da scalgias da Monica Cantieni e l'istorgia u istorgias da skis cun Roland Bläsi sen. Schi vaschela dat per tera, alloura rompa ella per solit. Tge far cun las scalgias? Er schi ellas duessan purtar furtegna i resta prest navot oter tgi dallas scuar ansemens e las pattr aint igl patitsch. Pero betg per *Monica Cantieni*. Per ella èn scalgias la materia prima per novas ovras creativas. Per ella à vaschela an general scharm e mintga toc à la sia istoria, scu tgi *Marcel Hartmann* è detg ainten la sia introduziun tar la vernissascha. Monica Cantieni è tot respect dallas regudientschas tgi la vaschela à laschea anavos. Ma ella peglia magari igl martel e rompra da gugent la vaschela. An tanta paglia. Per ella, la pedagoga curativa carscheida se a Lai tgi stat oz a Coira, è la regudientscha anc adegna a cò. Sen en grond cartung alv fò ella igl amprem en pér strengs cun en risplei u cun en fletter. Dallas scalgias culei ella or chels tocs tgi corrispondan gist ed igls tagta segl cartung. Egn dasperas l'oter. Mellus scalgias anfignen tgi glè naschia en mosaic cun tot las nianzas da calours tgi p. ex. ena cadagna da pizzas anturn Planeiras à. Las scalgias culadas vigan anc glimadas ed i dat en maletg tgi rachinta ena nova istoria. Magari tagta ella las scalgias er ve dad en oter toc vaschela ed i dat p. ex. ena vasca cun se en maletg u en'otra furma decorative. Tgi seja en maletg détig concret u

abstract, l'interpretaziun surlascha ella agl contemplader. E chella interpretaziun pò esser tgi ins vei igl mond an scalgias u igl

mond tgi vo an scalgias. Forsa so chella er esser tgi l'artista viglia ensacu far attent u fors a perfign tema tgi igl mond savess eir

an scalgias. E tgi so, fors a less Cantieni perfign admuneir da leir guereir igl mond avant tgi el vo an scalgias!?

Las sias ovras èn exponeidas ainten la Sala Parpan anfignen Pasca.

Igli svilup digls skis

Igl museum local da Vaz mossa sen igl amprem plang er igl svilup digl turissem. Davent da sia antschatta avant 120 onns anfignen oz. E tar chel svilup totga er igl svilup da chel urdegn da sport tgi à attragants touristes ainten las nossas regiuns: igls skis.

Tiers chegl festivescha la Scola da skis da Planeiras igl 101avel onn d'existenza. An chel connex vign er musso igl svilup digls skis: digls amprems skis tgi eran ena doua dad en butschign anfignen oz tar en product da hightech.

An strètga relaziun cun igl svilup digls skis e la scola da skis stat ena persunga: *Roland Bläsi* sen. (84). El è iniziia e presento l'exposizion cun l'istoria digl ski. El tgi è sto sez en skiun da vaglia igls onn 1950. Gio cun 16 onns è antschat la sia carriera sportiva noua tgi el è sa partcipio en skis ad amprest agl campionadi swizzer digls juniors. El è er sa partcipio igl 1956 agls gis olimpics a Cortina d'Ampezzo. Igl 1957 è Bläsi sto campion svizzer ainten la cursa a val ed ainten la combinaziun. Er la Scola da skis a Lai è betg da metter avant sainza el. Betg manc da 31 onns è el sto avant a chella scu manager. Bläsi mossa betg angal l'istoria ed igl svilup digls skis, dallas liadeiras e digls calziers. El so er bleras istorias ed istorgettas passantadas cun giasts da tot igl mond. Tranteraint da chellas fitg amusant.



Monica Cantieni davant egna dallas sias ovras: En mosaic cun scalgias da vaschela. Igli maletg mossa ena cadagna da muntognas. PDS